



Broj: 07-14-1078/18  
Vogošća, 12.07.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 12.07.2018. godine donio je

**ODLUKU**  
**O IZBORU NAJPOVOLJNIJEG PONUĐAČA ZA IZVOĐENJE RADOVA NA IZRADI**  
**HABAJUĆEG SLOJA ASFALTA U NOVOJ INDUSTRIJSKOJ ZONI VOGOŠĆA**

**Član 1.**

Ponuda ponuđača "Ame" d.o.o. Breza, ulica Branilaca grada bb Breza, odabrana je za izvođenje radova na izradi habajućeg sloja asfalta u Novoj industrijskoj zoni Vogošća, kao jedina formalno-pravno prihvatljiva ponuda, sa ukupnom cijenom nabavke u iznosu od 186.866,50 KM bez uračunatog PDV-a, odnosno 218.633,81 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 18.06.2018. godine donio Odluku o pokretanju Otvorenog postupka nabavke radova na izradi habajućeg sloja asfalta u Novoj industrijskoj zoni Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 20.06.2018. godine pod brojem: 1353-1-3-85-3-48/18.

Sažetak Obavještenja o nabavci objavljen je u "Službenom glasniku BiH" broj: 42/18 od 22.06.2018. godine.

Tendersku dokumentaciju sa Portala javnih nabavki BiH je preuzelo 13 (trinaest) ponuđača. Krajnji rok za dostavu ponuda bio je 05.07.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 05.07.2018. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-14-1078/18 iz juna 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Bosman" d.o.o Sarajevo	208.329,80	/	/	243.745,86
2	"Ame" d.o.o. Breza	186.866,50	/	/	218.633,81
3	"Sarajevoputevi" d.d. Sarajevo	174.702,75	/	/	204.402,22

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača **"Bosman" d.o.o Sarajevo**, ne ispunjava formalno-pravne uslove tražene Tenderskom dokumentacijom i to:

- Tačkom 7.3.2. pod a) TD, a u skladu sa članom 47. Zakona je propisano da će se ocjena ekonomske i finansijske sposobnosti pored izjave iz Aneksa 5. TD koju su ponuđači dužni dostaviti u svojoj ponudi vršiti i na osnovu Izjave na obrascu ponuđača o ostvarenom prometu izvođenja radova, koji su u vezi sa predmetnom nabavkom u posljednje 3 (tri) finansijske godine ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od tri godine.

Ponuđač "Bosman" d.o.o Sarajevo je u svojoj ponudi propustio da dostavi traženu Izjavu na obrascu ponuđača o ostvarenom prometu izvođenja radova, koji su u vezi sa predmetnom nabavkom u posljednje 3 (tri) finansijske godine.

- Tačkom 7.4.1. pod b), TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju 3 izvršioca, minimum KV radnici rukovaoci građevinskim mašinama.

Tačkom 7.4.2. pod b) TD je traženo da se kao dokazi za 3 izvršioca, minimum KV radnici rukovaoci građevinskim mašinama dostave originali ili ovjerene kopije Diploma/svjedočanstava o završenoj stručnoj spremi kao i dokazi o radnom angažmanu.

Ponuđač "Bosman" d.o.o Sarajevo je u svojoj Ponudi (strana 51-53 Ponude) dostavio ovjerenu kopiju Diplome o završenoj srednjoj stručnoj spremi, koja nije ovjerena od strane nadležnog organa na ispravan način. Naime, ovjerena je samo zadnja strana Diplome, a obzirom da se ista sastoji od 4 stranice, bilo je potrebno ovjeriti svaku stranicu Diplome pojedinačno-između stranica, a prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

- Tačkom 7.4.1. pod c) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova.

Tačkom 7.4.2. pod c) TD je između ostalog traženo da se kao dokazi za valjke do 2 tone dostave važeće upotrebne dozvole a za sve ostale mašine i opremu, osim za opremu pod rednim brojem 9. potrebno je bilo dostaviti važeće saobraćajne dozvole/potvrde o registraciji, shodno tački 7.4.1 c).

Ponuđač "Bosman" d.o.o Sarajevo je u svojoj Ponudi (strana 79. Ponude) kao dokaz dostavio Upotrebnu dozvolu broj: EB-M-959-615-02/17 od 15.11.2017. godine za kombinovani bager VENIERI tip: 823 C.

Ponuđač "Bosman" d.o.o Sarajevo je u svojoj Ponudi (strana 83. Ponude) kao dokaz dostavio Upotrebnu dozvolu broj: 10-UD-0348-06-18 od 22.06.2018. godine za finiše za ugradnju asfalta.

Također, ponuđač "Bosman" d.o.o Sarajevo je u svojoj Ponudi (strana 84. Ponude) kao dokaz dostavio Upotrebnu dozvolu broj: 17-UD-0309/17 od 11.04.2017. godine za frezu za asfalt.

Komisija za javne nabavke smatra da dostavljanjem prethodno nabrojanih Upotrebni dozvola kao dokaza nisu ispunjeni uslovi zahtjevani tačkom 7.4.2. pod c) TD, jer je istom tačkom jasno traženo da se kao dokazi za valjke do 2 tone dostavljaju važeće upotrebne dozvole a za sve ostale mašine i opremu, osim za opremu pod rednim brojem 9. je bilo potrebno dostaviti važeće saobraćajne dozvole/potvrde o registraciji, shodno tački 7.4.1 c).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

**II. Ponuda ponuđača "Sarajevoputevi" d.d. Sarajevo, ne ispunjava formalno-pravne uslove tražene Tenderskom dokumentacijom i to:**

- Tačkom 7.4.1. pod c) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova. Tačkom 7.4.2. pod c) TD je između ostalog traženo da se kao dokazi za valjke do 2 tone dostave važeće upotrebne dozvole a za sve ostale mašine i opremu, osim za opremu pod rednim brojem 9. potrebno je bilo dostaviti važeće saobraćajne dozvole/potvrde o registraciji, shodno tački 7.4.1 c).

Ponuđač "Sarajevoputevi" d.d. Sarajevo je u svojoj Ponudi (strana 145. Ponude) kao dokaz dostavio Upotrebnu dozvolu broj: 01-12-08/2017 od 04.08.2017. godine za finiše za ugradnju asfalta VOGELE tip: 6-83.

Također, ponuđač "Sarajevoputevi" d.d. Sarajevo je u svojoj Ponudi (strana 146. Ponude) kao dokaz dostavio Upotrebnu dozvolu broj: UD-022/04-05/2016-SU od 25.05.2016. godine za frezu za asfalt WIRTGEN tip: 2000DC.

Komisija za javne nabavke smatra da dostavljanjem prethodno nabrojanih Upotrebni dozvola kao dokaza nisu ispunjeni uslovi zahtjevani tačkom 7.4.2. pod c) TD, jer je istom tačkom jasno traženo da se kao dokazi za valjke do 2 tone dostavljaju važeće upotrebne dozvole a za sve ostale mašine i opremu, osim za opremu pod rednim brojem 9. je bilo potrebno dostaviti važeće saobraćajne dozvole/potvrde o registraciji, shodno tački 7.4.1 c).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude kao i suštinskom provjerom sadržaja i validnosti iste, Komisija za javne nabavke je utvrdila da Ponuda ponuđača "Ame" d.o.o Breza ispunjava formalno-pravne uslove, odnosno zahtjeve Ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponude ponuđača "Ame" d.o.o Breza, te je izvršena računaska provjera dostavljene ponude i utvrđeno da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Obzirom da je Ponuda ponuđača "Ame" d.o.o Breza sa ukupnom ponuđenom cijenom u iznosu od 186.866,50 KM bez PDV-a, prelazila procijenjenu vrijednost nabavke u iznosu od 175.000,00 KM bez PDV-a, Komisija za javne nabavke je dana 10.07.2018. godine zatražila izjašnjenje od nadležne Službe, da li može obezbijediti razliku sredstava u iznosu od 11.866,50 KM bez PDV-a za realizaciju predmetne nabavke.

Služba za komunalne, poslove mjesnih zajednica i zajedničke poslove se aktom broj: 07-14-1078/18 od 11.07.2018. godine očitovala da može obezbijediti traženu razliku sredstava za realizaciju predmetne nabavke.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Ame" d.o.o Breza, za izvođenje radova na izradi habajućeg sloja asfalta u Novoj industrijskoj zoni Vogošća, kao jedine formalno-pravno prihvatljive ponude, sa ukupnom cijenom nabavke u iznosu od 186.866,50 KM bez uračunatog PDV-a, odnosno 218.633,81 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Bosman" d.o.o. Sarajevo
2. "Ame" d.o.o. Breza
3. "Sarajevoputevi" d.d. Sarajevo
4. Nadležnoj Službi
5. U dosije
6. a/a

033/762-061

032/783-936

033/667-500

  
OPĆINSKI NAČELNIK  
Edin Smajić